

* P * V * I * S *

* 1 * 6 * 2 * 4 *



- I. Paraphrasis Psalmi LXXXII M. Zachariae Wennenezeri
- II. Psalmi Davidici 121. 91. 125. 124. Gregorij Bersmanni.
- III. Oratio de Christo recens nato Joachimi Flemingi
- IV. Lessius Casareus Cyriaci Herdesiani sup obitum Rudolphi Imperatoris
- V. Soteria Dn. Johanni Georgio Saxonum Duci Academiae Wittebergensis.
- VI. Votivus applausus Dn. Hug: Principi Anhaltino administrationem principatus Cisalpinii suscipienti Frederici Theodorij Gorlicio
- VII. Theophrastus in qua ad Dn. Augustum Principem Anhaltinum Thomazij causa servestanae iezehum M. Teti a Jena.
- X. Epithalamium Marci Frederici Wendelii ad Dn. Augustum Ducem Brunovicensium.
- II. Epithalamium ad eundem principem Jani Cremeri.
- III. Ecloga Gregorij Bersmanni Rudolpho Principi Anhaltino sponso scripta.
- XI. Theophrastus in qua ad Dn. Rudolpho Princ: Anhaltino scripta a Collegis Scholae Servestanae.
- XII. Epicedium in obitum Dn. Rudolpho Princ: Anhaltini Abrahami Cremeri.
- XIII. Strena Poetica Christophori Heroldi.
- XIV. Querele Saravictoris et Biomeae.
- XV. Gregorij Bersmanni in pontem sablicium Debaensem Carmen Graecum.
- XVI. Joachimi Flemingi Piculum Scholasticum.
- XVII. Abrahami Vrici Diagrapha Laboris Scholastici.
- XVIII. Coronis Collegio Disputatorio et Oratorio imposita.
- XIX. Typus Depositionis Scholasticae Frederici Widebrami
- X. Bulla Amuleti M. Bloey.
- CI. Oda honoribus Dn. Danielis Burchardi Dn. Johannis Christophori Hartmanni. Dn. Philippi Meudligeri. Dn. Matthaei Coleri Doctorum scripta.
- XXII. Gratiarum Actio M. Johannis Copperij post Magistrum autum pronuntiata.
- XXIII. Epigramma in Cerevisia Servestane Danielis Burchardi.
- XXIV. Dehortatio a Catemnijs
- XXV. Germania ad Principem epistola Ad: Martino Pratorio.
- XXVI. Votum Scholae Vesaliensis
- XXVII. Theophrastus in qua ad Dn. Johannem Stunium.
- XXVIII. In honorem Magistrum Dn. Johannem Gualtero
- XXIX. Trizinta Jeverum M. Christiani Galli Italosaxonis.
- XXX. Adami Forweroy Frederici Steseris Ernesti Wulstorgij.
- XXXI. Eorundem
- XXXII. Juvenum 37. M. Theophili Carisseri
- XXXIII. Johannis Cremeri.
- XXXIV. In honorem Notarii Valerij ni Gelani.
- XXXV. Strena anagrammatum quadrifida Christophori Heroldi.
- XXXVI. In nuptias Dn. Wolfgangi Amlingi 4. V. D.
- XXXVII. Eiusdem Johannis Amlingi Nicolai May.



76 XXX

an 29

Viadrinae

ACADEMIÆ MATRI SUOS FILIOS

Edeliter educanti, ornanti

SACRUM;

Quum

RECTORE MAGNIFICO

GOTHOFREDO VVEIDNE-

RO Med. Doct. & Prof;

Publ.

Vir Clariss: Opt: Max:

JOHANNES SCHOSSERUS,

Artium MAGISTOR, Rhetor; Prof: publ; Philoso-

phicæ Facultatis Senior, Octavum

Decanus,

TRES juvenes

Micanti Doctrinae & morum flore

candicantes

ADAMUM FORVVERCIUM

FRIDERICUM STRESONEM

ERNESTUM VVULSTORPIUM

Anhal-
tinos

Philosophiæ crearet

MAGISTROS

Non: Oct:

Anno M. DC XIX.

Typis

Johannis Eichborn.





Hego iterum tollis natos Academia! Tollis
Quos Titulis auctos vis magis esse Tuos!
Vis magis esse Tuos Iuvenes, quibus altera
Vita

Ordinis alterius Te Genitrice datur.

Palladios Iuvenes, studijs linguaq; animiq;

In laudem natos MATRIS ubiq; suae!

Sed quae est causa, Magos tantum tres premia docti

Exspectare novam laude Magisterij?

Premia, victrices Titulos, artisq; tropaea:

Premia non atrijs contaminanda manus.

Vidit & indoluit Phœbus sua munera sperni:

Credidit abscondi sub numeris numeros.

Vidit & indoluit Pallas, doliere sorores

Artibus insidias, Moriâ inerte, strui.

Ponite sed luctum; non est ignavia; Fastus

Non est, sed MATRIS mysticus est numerus.

Diligit exactos Iuvenes Academia; plures

Tres nisi perfectos dicere non potuit.

Sunt tria πάντα, Tribus numerus concluditur OMNIS;

Inque tribus laus est tota Magisterij.

Principium Sophiam, mediū tenet omne Phronesin:

Etoquio finem Suada fidemq; facit.

Mens

Mens est in primo, Manus addita cauta secundo;
Tertio inest Linguae docta Magistra probe.
Quàm bene juncta Trias! Non quiret plenior orbis
Abs te MATRE, tuo Collegioq; dari.
Quàm bene juncta trias! Sub quâ fraus exulat omnis,
Murmuris, invidia, disidiq; caput.
Ergo tuo MATER numero gaude impare, Vosq;
Felices nati, Philosophiq; viri
Plaudite, virite, crescite, reddite munera MATRI:
Atq; omnem punctum ferte Magisterii.

VVOLGANGUS CRELLIUS,
D. & P. P. P.

Ad Ornatissimos Dn. Candidatos Epigram-
ma fermè Persianum.

HEus quisquis paulum à turba esse ductior, audi,
Non quisquis cidarim gestare & tēpora lauru
Cingere jus nactus parnaside, protinus audit
Aut si audit ritu, vera audit laude Magister,
Sin studeat vitam discincti vivere natta,
Et tremat omento popa venter, ab ore triental
Non clava excutiat Tyrinthe, qui scelerum alto
Demersus, summa bullire ignoret in unda.
Hunc Cato Circeo mutatum Carmine, spurca

A 2

Ponic

Proci sub forma stupeat, putentis & haræ
Agnoscat bruchum, cui dudum insignia Phæbus
Aurea detraxit, meritis servanda capillis.
O curvas in abyssum animas, cælestium inanes!
Ast hunc scintillans illustrat adorea, mentis
Fruge Cleanthea, qui sevit gnavus agellos,
Qui novit justum gemina suspendere lance
Ancipitis libræ: rectum discernere ubi inter
Curva subit, vel cum fallit pede regula varo,
Et potis est nigram vitio præfigere theta:
Nec de his ad vulgus modò vociferatur ineptè
Et stloppo tumidas intendit rumpere buccas:
Sed cui scire aliud, fecisse aliudve suprema
Religio est, qui, quæ novit, bene vivere novit.
O rectas in cœlum animas, terrestrium inanes!
Talis eris trinûm ter gratia trina Sororum
Edita quos hodie doctrinæ in templa locavit
Musarum Pater & monstrari iussit aperte
Majestate manus, ut sint exempla sequentum
Testenturq; suam quo Phæbus mactet honore
Militiam, Quò sis, sed eris, habuit acerra
Ut tacita Procerum, sic nostrum clarius omen.

M. TOBIAS MAGIRUS,
Prof. Log.

Σύχλαμα.



Aliud.

IN pejus ruere, ac retro referrì
Fato nescio quo nimis sinistro
Sublapsa omnia, plurimi queruntur.

Mitto cetera Pedagogus. Ecce
Quæ non publica pristinum nitorem
Perdidit schola pristinumq; florem?
Pro multis videas viros deesse,
Qui rectè teneram erudire pubem
Nòrint. Scilicet Eruditionis
Ipsi artisq; rudes modestiaq;
Expertes pietatis omnis ipsi
Qui possint teneram secundiore
Successu in studijs iuvare pubem?

Sunt, quibus pia diligentiores
Arte & moribus exolitiores
Fata cum dederint Schola Magistros,
Paucos invenias vacare Musis,
Virtuti invenias vacare paucos?
Vacuna videas vacare plures.

Non talis schola nostra. Candidatos
Diversis Academjs subinde
Quæ parat numero frequentiore.

Annus unicus hic recens creatos
Senos è varijs dabit Lyceis
Artium & sapientie Magistros:
Linguis Moribus Artibusq; quondam
Nostra quos schola preparavit omnes.
Marpurgum dedit unicum, celebris

Binos

Binos Julia, ceteros daturus
SCHOSSEUS celeberrimus Sophorum,
Qua celo caput explicat serenum
Francofurdia clara, Marchicarum
Formosissima sola Civitatum.

Hos ergo titulos honoris amplis
Quos dudum meruit mihi probata,
Quos dudum meruit probata iuultis
Morumq; integritas amorq; recti,
Linguarumq; scientia Artiumq;
WULSTORPI cape fronte latioris
STRESOVI cape fronte latiori.

Hos vobis titulos honoris ille
Mundi Rector & Arbiter secundet;
Hos vobis titulos honoris ille
Mundi Rector & Arbiter perennet
In laudem Patrie & suam perennet.

M. Petrus à Jhena Scholæ
Servest. Senatoriæ
Rector.

Aliud.

Inunc, & Clario mercedem deme labori,
Cujus congesto scrinia ab are tument.
Inunc, atq; sacras, cerdo, contemne camanas,
Et Musis aliquid præmij inesse nega.
Aspice ut ad summum conscendât culmen honoris,
Quos juvit Musis incubuisse sacris.
Aspice ut eximio decorentur nomine, quorum
Cura fuit Clario subdere colla iugo.

EQ

Est bovis haud hominis dulces contemnere Musas,
Arragonum Alphonsus rex velut ipse probat.
Est doctrina ipso multò preciosior auro,
Omnibus externis anteferenda bonis.
Hinc qui Pieridum mitissima castra secutus,
Ejus in æternum nomen obire nequit.
Id quod præstantes Charitum testantur alumni,
Tempora qui studiis multa dedere bonis;
Atq; ex his magnam magno cum nomine famam
Sunt nacti, studiis digna brabea suis.
Queis per doctorum volitabunt ora virorum,
Dum cœlum stellas, dum mare volvet aquas
ô vos felices! ô fausto sidere natos!
Cum redeant vestris præmia digna operis,
Pergite in hoc stadio virtutem extendere factis,
Præmia vos olim splendidiora manent.
Pergite Palladias caput exeruisse per artes,
Pergite in æternum hoc stat sine morte decus.
Sic vestra æternis ascribet nomina fastis
Posteritas, sic vos hîc & ubiq; canet,
Et quæ nunc studiis peperistis nomina vestris,
Sunt illo quo sol deperitura die,

M. Martinus Cramerus
Schola Servestana
Corrector.


ERNESTUS VVU(I)LSIORPIUS

ἀναγραμματιοθεΐς
Serio nutu litus, superus.

Non

Non sorte quâ, sed morte solubili
Subscude nobis fixe, sodalium
Princeps, novenarum Sororum
Creber amator Apollinisq̃:
Artite varas tende manus, tuam
Sortem saluta comiter osculo,
ERNESTE, te ridente nutu
Dextero & oscine contuentem,
Hac vitulari lux jubet, hic dies
Est consecrandus, digna laboribus
Quo ferta, WULSTORPI, tot arctis,
Digna q̃, consequeris brabea,
Videre vafris anxia nisibus
Dedisse Cauro carbasa, serio
Nutu tetendisse ad petitem
Litus, ovas superusq̃ factus.
Noverca multos fors comitatur, &
Ridet labores Sisyphios, petit
Turpiq̃, conantes cachinno,
Ac laribus vacuos remittit.
Feliciori calce novemfili
Turbae sacrati sacra cacuminis
ERNESTE, longè verberasti
Limina, passa minus curvis.
Non obstiterunt sentibus obsiti
Calles recurvis, difficiles gradus
Nil scrupulosi nilq̃ duris
Iactibus expositi obstiterunt.
Feliciori lintre novemfili
Turbae sacrati sacraq̃, fluminis,
ERNESTE, longè transfretasti
Litora, trita minus curvis.

B

Nil

*Nil te profundâ lama voragine
Tentare dium flumen abboruit,
Exempla nil tot naufragorum
Te remorata periclitantùm.
Audere bullam scilicet obtinet,
Audere perdit saepeq̃, pensior
Sed fors ab audentùm stat usq̃
Parte tamen, minus ab timentùm.*

*ERNESTE dives fenore dapsili
Es nauta, claro quippe Magister
Honore clarum clara claris
Te Viadrina Viris salut at.*

*Euge ad Penates euge revertere,
Caris saluterisq̃ Parentibus
Novus Magister, Fratre, carâ
Atq̃ Sorore, sorore & istâ.*

*Congratulari, transiliam statim
Et ipse clarâ Leucoreâ, tibi,
Ni veneris, non gratulabor,
Teq̃ vocabo minus Magistrum.*

*Ex almâ V Vittebergensi mittit Musa gratulabunda
Joachimi Flemingij Servest. Anhalt.*

ALIUD.

*Quis MUS Ælepidæ ferant coronas
Lauri odoriferæ recens paratas,
Dio fonte AGANIPPIDOS luisse
Illos en labium decet, labore
Qui gravi modò quæritur liquore
Cujus PARNASIDES lavant lavandos,
Cum Vos PEGASIDUM cactum altum
Asperum salebris laborioso*

Ascen-

Ascensu superare fitis ausi,
 Fonte sacro AGANIPPIDOS, levatâ,
 Vos jam PIERIDES sacrae lavarint
 EN DUX AONIDUM venit SORACTIS,
 EN MUSÆ veniunt sua afferentes
 Vobis munera digna, nunc ovate.
 Vobis quod PYTHIUS daturus ornat
 Munus, & decorat nitens honore
 Æterno, capite, ô mei Sodales,
 Victores, quod honoris est, habete,
 Mitra tempora vestra jam coronet,
 Quæ texta est manibus pijs SORORUM.
 Gaudentes modò, Plaudite ô Parentes!
 Gnatis, queis titulum labor paravit,
 Gaudeas Patria his tuis MAGISTRIS,
 Qui summum AONIDUM decus Sororum
 O. PHOEBUS capita entheo sacrata!
 Ecce pergite PHOEBUS est daturus
 Vobis præmia dignora, tardet
 Audentes mora nulla vos, fugetur
 Anxius timor & pigri labores,
 Esto vestra remota mens ab omni
 Cura, Candida mens precatur illud.

*Elbardus Ellebracht Feverensis.
 L.L. Studiosus.*

ALIUD.

FOrwerci, lepidum caput, venustum
 Forwerci ingenium, suave fontis
 Ascrai decus; ut capis labore
 Crebro digna brabea, fers honores
 Dignos ingenio, eruditione
 Dignos, ordine splendido Viadri

B 2

Con-

Conferente; tibi dicere versum.

Huc viventis amoris indicinam.

Ambos firmiter inter ustulati

Olim, par fuerat politio rem.

Sacro Pegasei mibi liquoris

Pene obbrutuit at vigore vena.

Destituta suâ hætenus Sueta

[Quondam beu!] materie, meas ut hocce.

Vires dramate pristinas vel ausim.

Vix tentare, mei mibi nec ipsi

Possim fidere conscius valoris.

Quo nunc ordiar ergo finiamvé

Forverci, videarq; præfuisse

Amici officio, tibi Magistri

Honoresq; fuisse gratulatus?

Quid? si nullus, Adame, drama totum.

Ordier? nec idem tenerer ipsum

Sic finire? tibi placet? placebit

Et nobis, tibi sat? sat atq; nobis.

Sit ergo satis, at amen vovebo

Mecum plura jugiter. Magister

Et salve inter eâ & vale Magister!

Adamus Forvercius

Αδαμφορβεργκιου

Feror. Ivavi duc Musa.

ET tibi pileolus digno datur iste, mereris

Forverci ingenij sedulitate tui.

Sedulus ingenuas tractasti primitè artes,

Musa tua fovit, fovit Apollo rei.

Nomini idq; tui docuit transverso: suavi,

Duc, feror ad vestros impete Musa ehoros.

Impete Musa feror suavi vidisse profunda

Abdita Montis, aquas atq; bibisse sacras.

Vidisti ductus feliciter, alma bibisti

Flumina, desertur jam tibi dignus honor.

Gratulabundus mittit, quem nosti, tuus ex almâ Leucoreâ

Joachimus Flemingus S. Anbaldinus.

Aliud.

Turpe est emanfisse diu vacuumq; rediffe,
Mufarum Lumen Cbius Homerus ait.
Quod vos follerti trutinastis mente Sodales
Et mibi & Aonidum Triga adamata choro.
Ergo diu patriâ vobis absentibus orâ
Complacuit gravidis sic rediffe domum.
Complacuit multo sudore Heliconâ, citatis
Passibus impigrè montem adiiffe sacrum.
Complacuit varios passim de cerpere flores,
Artibus & mentes excoluisse bonis.
Complacuit Sophiâ titulum retuliffe supremum.
Testem Academiâ, signa Magisterij.
Plaudite, Pieridum quos gratia larga beavit
Plaudite Anhaltini chara juventa soli.
O pleni Sophiâ patrios redeatis ad agros,
Sicq; diu absentum sic rediffe decus!

Apponebat
Johannes Taschenbergerus
Sereftâ-Anhalt.

Aliud.

Scilicet eximio applausu, qui castra sequuti
Enthea sunt Sophiæ, & sapientum scita virorum
Scrutati follerter, ii quoque præmia tandem
Digna, ac exhausti Fructum antè laboris, **HONORES**
Accipiunt, qui sunt Nomen Titulusque **MAGISTRI**
Insignis. Vos quid mage tres ambire velitis
Aut jam possetis? quid honestius? utilius quid?
FORVERCI tu docte, mei pars altera cordis,
Et tu **WULSTORPI** perdocte, **STRESO** que perite,
Qui nempe ingenio & generi incrementa dedistis,

B 3

Imbu

Imbuti à parvo puero clariquè Lycæis.

Vos, inquam, planè indotatos semper abire
Creditis? ô vestram subeant ne talia mentem.

Sic ait; Aonio & portat de vertice laurum,
Laurum frondentem, cui lilia candida, myrti,
Atq; hederæ, violæq; nitor, pallente corymbo,
Haud deêrant, varioq; parat de germine fertum,
Contextum mirâ vestro capiti iniicit arte, &
Inquit, Iô læti maestiquè animo accipitote hoc,
Secernat strepero quod vos à gurgite vulgi.

Vobis nunc ergò condignis talibus ecquis
Auctis non faveat titulis & honoribus? Immò
Ipse precor, vobis novus hic benè cedat HONOS, &
Tempora vivatis longæva, superstite MUSA.

Animo gratulabundo de properabat

Christophorus Nettelbecius
Bernburgo-Anhalt.



CLIVS CONNUBIA

per Virtutem & Sophiam

Conciliata.

Doctiss. Viris-juvenibus

Dn. M. ADAMO FORWERCIO.

Dn. M. FRIDERICO STRESONI.

Dn. M. ERNESTO WULSTORPIO.

Non, quod vulgus ait, non sunt insignia fastus
Signa Magisterij: non est audire Magistrum
Bullatas voces capere, & proscenia laudis:
Sed sunt doctrine, & virtutum insignia: signa
Nobilis ingenij: Musarum præmia opima,
Quæ ingenuos animos, oleum seu lampada pingue

Affusum

*Affusum exhilarant : ad honesta exempla sequaces
Allectant : Sophiæ commercia sacra perennant :
Verum est doctorum trutinâ atq; examine recto
Explorare tuus genius quid ferre potis sit :
Est Victor scelerum , vitiiq; audire nefasti :
Ac veluti Æneas famâ super æthera notus
Per tot inexhaustos, infinitosq; labores
Promisso potitur Latio , optatq; hymenæis ;
Sic cui fixum animo , certum , immotumq; resedit
Scandere Parnassum Clius nancisci hymenæos ,
Et libertatem simul adservare subactam,
Plurima tentandum, desudandum , atq; ferendum.
Jam rabidi cordis venti affectusq; furentes
Diversum rapiunt mentem , turbantq; quietam :
His Animus Rector diæ Rationis ab arce
Imperat, & frenat, cordiq; coarctat in antrû.
Mox cursu medio , in sinuosâ ambagine mundi
Obviat ecce ! Venus , fallendi gnara Voluptas :
Virginis os habitumq; gerens, frontemq; serenans,
Sospitat : auxilium promittit : byssina verba
Eliquat : ast humeris habilis suspenditur arcus,
Hic Virtutis opus , penetrare cubilia fraudis,
Pellere pellecebras , validosq; obnitier ictu :
Affectam & Sophie protelo ducere telam.
Hinc si Lethæos lucus & inania regna
Transabiisse cupis superasq; evadere ad auras :
Aureus ille tibi carpendus ab arbore Ramus :
Scilicet hic , illud vitæ , Prudentia lumen
Quod cæcarum volunt animiq; ævig; tenebræ,
Altrè vestigandum oculis , & acumine mentis.
Post tantos casus merito cum præmia reddi,
Connubia & Clius sudore, & pulvere largo
Dotata exoptis : dirarum ab sede sororum
Invidia en ! præsto est : cui crimina noxia cordi,
Quæq; ausis invisâ bonis , papulas rimatur acutè
Corporis alterius , sua necphagedemica cernit.*

Hinc

Huic adversa acies mentis mens conscia recti.
Mascula sic tandem virtus doctrina triumphante
Et decus & laudem portant: quam secula nulla
Obfuscant nullus, rumpat licet illia Momus.

Tanta molis opus famam super aethera notum
Virtutis studio & doctrina condere nomen!

O fortunatos! quibus caelestissime Apollo
Indulget tantum: felix o terq; beata
Triga es tu juvenum, quorum meliore metallo
Format corda Deus, deformat doctus Apollo.
Haut vanum certè de vobis distulit omen
Mystica vis numeri: numero Deus impare gaudet:
Tres olim Musas coluit laudata vetustas,
Et ter tres Pierus sacravit in ordine cerno:
Tres charites: triplex anima est in corpore virtus.

At vos instincti sancta virtute Triuni
Tres animi vires Musis charitumq; corone
Subditis: Harpyia hinc & Erinnyes agmina terna
Geryonum triplici jugulatis robore: trina
Hinc stygij effugitis Canis latrantia colla:
Atq; trium ritu juvenum, flammam per & ignes
Mundi arumnosi remeatis ad ardua caeli,
Ad tria, tres comites quae suspirare, habitacula.

Macti ergo triplici vireatu adora honoris:
Corpore tres, animam solide coeatis in unam:
Per vos Sancta Trias avo celebretur in omni:
Per vos & scelerum lappa jugulentur in herbâ:
Per vos magmentum sentiscant litera & artes;
Hec imis fibris, filo sed ducta soloci,
Fundito vota: animo gemina his semperq; frequento,

In amicitiae stabilimentum,
ulterioris benevolentiae invitamentum,
perpetuae recordationis monumentum accinebat.

Joachimus Magirus Angrimundâ-Marchicus
Humanitatis studiosus.

Id 4206
g

ULB Halle 3
004 167 287






f
Sb

Sik. 18 u. 25 nicht in PICA,
da Hschr. +90

24 VD 17
E-14
120-By
Jul. 01
M







an 29

6 XXX
Trine
TRI SUOS FILIOS
canti, ornanti
RUM;
MAGNIFICO.

DO VVEIDNE-
Doct. & Prof;
ubl.
? Opt: Max:

SCHOSSERUS,
etor: Prof: publ: Philoso
Senior, Octavum
canus,
s juvenes
ine & morum flore
dicantes

VVERCIUM } Anhal-
STRESONEM } tinos
ILSTORPIUM }
niæ crearet
ISTORIS
n: Oct:
M. DC XIX.

Typis
nnis Eichorn.

